



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ადგილობრივი დრო

ადგილობრივი დრო, დედამიწის ამა თუ იმ პუნქტის დრო. დამოკიდებულია ადგილის გეოგრ. გრძედზე. დროის ერთსა და იმავე მომენტში ა. დ. მით უფრო მეტია, რაც უფრო აღმ-ით მდებარეობს პუნქტი; იგი გრძედის ყოველ 15° -ზე 1 სთ-ით მატულობს. ორი პუნქტის ა. დ-ის სხვაობა დროის ერთეულებით გამოხატულ ამ პუნქტების გეოგრ. გრძედთა სხვაობას უტოლდება. მაგ., თბილ. ა. დ. უსწრებს გრინვიჩის ა. დ-ს 2 სთ, 59 წთ, ხოლო ირკუტსკისას ჩამორჩება 3 სთ, 58 წთ. ა. დ-ს განსაზღვრავენ ასტრონ. დაკვირვებათა მეშვეობით და იყენებენ ზოგიერთი ასტრონ. ამოცანის გადასაწყვეტად.

ზოგჯერ შეცდომით ადგილის ბოლურ დროსაც ა. დ-ს უწოდებენ.
